

სსიპ „საზოგადოებრივი მაუწყებლის აჭარის ტელევიზია და რადიო“-ს  
მიმდინარე(სადეპოზიტო) ანგარიშების მომსახურე კომერციული ბანკის  
შესარჩევი კონკურსის პირობები

**1. კონკურსის პირობები**

1.1. სსიპ საზოგადოებრივი მაუწყებლის აჭარის ტელევიზიისა და რადიოს (შემდგომი-მაუწყებელი) მიმდინარე(სადეპოზიტო) ანგარიშების მომსახურე კომერციული ბანკის შესარჩევი კონკურსში მონაწილეობის მისაღებად პრეტენდენტი ბანკი უნდა აკმაყოფილებდეს შემდეგ მოთხოვნებს:

ა) არ უნდა ხორციელდებოდეს ბანკის ლიკვიდაცია და არ უნდა მიმდინარეობდეს ბანკის გაკოტრების პროცესი;

ბ) ბანკს მინიჭებული უნდა ჰქონდეს საერთაშორისო სარეიტინგო სააგენტო Fitch Rating-ის ან/და Standard and Poor's-ის რეიტინგი;

გ) ბანკს უნდა გააჩნდეს ქალაქ ბათუმის ტერიტორიაზე არანაკლებ ერთი საბანკო მომსახურების სრული სერვისის მქონე ფილიალი ან/და სერვის ცენტრი;

დ) ბანკის მიერ საბანკო ანგარიშებზე ტრანზაქციების დრო, ოდენობა და რაოდენობა არ უნდა იყოს შეზღუდული საქართველოს საბანკო სფეროში მოქმედი კანონმდებლობით გათვალისწინებული შეზღუდვების გათვალისწინებით;

ე) ბანკის მომსახურების ტარიფები უნდა აკმაყოფილებდეს შემდეგ მინიმალურ მოთხოვნებს:

ე.ა) ორგანიზაციის ანგარიშის გახსნა და წარმოება - უფასო;

ე.ბ) ორგანიზაციის მიმდინარე (სადეპოზიტო) ანგარიშზე ეროვნული ვალუტის ჩარიცხვა და ანგარიშიდან ეროვნული ვალუტის გადარიცხვა სახაზინო ანგარიშზე საკომისიოს გარეშე;

ე.გ) ინტერნეტ ბანკის რეგისტრაცია და მომსახურება - უფასო;

ე.დ) სმს საბანკო მომსახურება - უფასო;

ე.ე) ორგანიზაციის მიმდინარე (სადეპოზიტო) საბანკო ანგარიში განკუთვნილი უნდა იყოს მხოლოდ საბიუჯეტო სახსრების განთავსებისთვის მის ყოველდღიურ ნაშთზე სარგებლის დარიცხვის მიზნით. ნებადართული ტრანზაქციები - სახაზინო ანგარიშიდან თანხის ჩარიცხვა საბანკო ანგარიშზე და პირიქით.

ე.ვ) ორგანიზაციისთვის ასევე უნდა გაიხსნას ცალკე საბარათე (მულტისავალუტო) ანგარიში, რომელიც გამოყენებული იქნება ინტერნეტმესყიდვებისათვის, რომლისთვისაც უნდა დამზადდეს ე.წ. ბიზნესბარათი უფასოდ ყოველთვიური მომსახურების საკომისიოს გარეშე. აღნიშნულ

საბარათე ანგარიშზე სახსრების განთავსება მოხდება ორგანიზაციის სახაზინო ანგარიშიდან, ხოლო გაუხარჯავი ნაშთის გადარიცხვა სახაზინო ანგარიშზე უნდა განხორციელდეს საკომისიოს გარეშე.

ზ) დღის 17:00 საათამდე შესრულებული ტრანზაქციის დადასტურება/შესრულება იმავე დღეს, ხოლო 17:00 საათის შემდეგ განხორციელებული ტრანზაქციის დადასტურება/შესრულება არაუგვიანეს მომდევნო საოპერაციო დღეს.

ვ) ბანკმა უნდა უზრუნველყოს:

ვ.ა) ორგანიზაციასთან გააფორმოს საბანკო მომსახურების შესახებ ხელშეკრულება, კონკურსის პირობების შესაბამისად არანაკლებ ორი კალენდარული წლით.

ვ.ბ) ხელშეკრულების მოქმედების მთელი პერიოდის განმავლობაში კლიენტის მიმდინარე (სადეპოზიტო) ანგარიშზე არსებულ ფულად სახსრებს (ნაშთს) ყოველდღიურად დაარიცხოს საპროცენტო სარგებელი და ყოველი კალენდარული თვის ბოლოს/მომდევნო კალენდარული თვის პირველ საბანკო დღეს ბიუჯეტის შემოსულობების შესაბამის სახაზინო კოდზე ჩარიცხოს ხელშეკრულებით გათვალისწინებული ყოველთვიური საპროცენტო სარგებელი.

ვ.გ) კონკურსის პირობები შეასრულოს მთელი სახელშეკრულებო პერიოდის განმავლობაში.

1.2. ბანკის მიერ ლარში ანგარიშების ყოველდღიურ ნაშთზე დარიცხული საპროცენტო სარგებლის საწყისი ოდენობა განისაზღვროს წლიური არანაკლებ 10 %-ით.

1.3. კონკურსის მონაწილის მიერ ერთი განცხადების შეთავაზების ოდენობად (ერთი ბიჯი) განისაზღვროს არანაკლებ ლარში ანგარიშების ყოველდღიურ ნაშთზე დარიცხული საპროცენტო სარგებლის წლიური 0,2%-ით.

1.4. ორგანიზაციის საბანკო ანგარიშზე (როგორც მიმდინარე (სადეპოზიტო), ისე საბარათე) სახაზინო ანგარიშიდან თანხის ჩარიცხვის და საბანკო ანგარიშიდან სახაზინო ანგარიშზე თანხის გადარიცხვის ყოველდღიური ლიმიტი და ტრანზაქციები შეუზღუდავი.

1.5. იმ შემთხვევაში, თუ გამარჯვებული ბანკი უარს იტყვის ხელშეკრულების გაფორმებაზე ან გამარჯვებული ბანკი დადგენილ ვადაში არ წარმოადგენს ხელშეკრულების შესრულების უპირობო გარანტიას, საბანკო მომსახურების შესახებ ხელშეკრულების გაფორმება კომისიის გადაწყვეტილებით შესაძლებელია კონკურსში მონაწილე პრეტენდენტ ბანკთან, რომელიც დააფიქსირებს გამარჯვებული ბანკის შემდეგ საუკეთესო წინადადებას.

## **2. კონკურსში მონაწილეობის წესი**

2.1. კონკურსში მონაწილეობის უფლება აქვს საქართველოში დადგენილი წესით ლიცენზირებულ კომერციულ ბანკს.

2.2. კონკურსში მონაწილეობის უფლების მოპოვებისათვის პირმა უნდა წარმოადგინოს:

ა) წერილობით შევსებული განაცხადი, სადაც მითითებული უნდა იყოს, რომ ბანკი თანახმაა მოემსახუროს ორგანიზაციას კონკურსის პირობების და ვადის შესაბამისად (**დანართი 1-ის მიხედვით**);

- ბ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- გ) ინფორმაცია ქალაქ ბათუმში ბანკის ფილიალების/სერვის ცენტრების რაოდენობის შესახებ, მათი მისამართი, ასევე, Fitch Rating-ის ან/და Standard and Poor's-ის რეიტინგის შესახებ;
- დ) სანოტარო წესით დამოწმებული მინდობილობა ბანკის წარმომადგენლობაზე უფლებამოსილი პირის შესახებ, წარმომადგენლობაზე უფლებამოსილი პირის პირადობის დამადასტურებელი საბუთის ასლი.

### 3. კონკურსის ჩატარების წესი

- 3.1. კონკურსში მონაწილეობა შეუძლია კომერციული ბანკის წარმომადგენელს - იმ პირს (პრეტენდენტს), რომელიც წარმოადგენს ბანკის განცხადებას კონკურსში მონაწილეობის სურვილის შესახებ და კონკურსში მონაწილეობის წესით (პუნქტი 2) განსაზღვრულ დოკუმენტაციას.
- 3.2. კონკურსში მონაწილეობის სურვილის შესახებ განცხადებას, მასზე თანდართულ ინფორმაციას და დოკუმენტაციას იბარებს მაუწყებლის საქმისწარმოების განყოფილება (კანცელარია). დოკუმენტების მიღება შესაძლებელია განხორციელდეს მატერიალური სახით ან ელექტრონულად ელ. ფოსტაზე [info@ajaratv.ge](mailto:info@ajaratv.ge).
- 3.3. კონკურსი შეიძლება შედგეს, თუ მასში მონაწილეთა რაოდენობა არის მინიმუმ ერთი.
- 3.4. კონკურსის დაწყებამდე კომისია ამოწმებს მონაწილეთა კონკურსზე დაშვების კანონიერებას.
- 3.5. კონკურსის დროს გაიმართება ვაჭრობა საბანკო ანგარიშზე არსებულ ყოველდღიურ თავისუფალ ფულად სახსრებზე (ნაშთზე) დასარიცხი წლიური სარგებლის ოდენობაზე.
- 3.6. კონკურსს ატარებს კომისიის თავმჯდომარე, რომელიც ვაჭრობის დაწყებისას აცხადებს ლარში სადეპოზიტო/მიმდინარე ანგარიშის ყოველდღიურ ნაშთზე დასარიცხი საპროცენტო სარგებლის საწყის ოდენობას და ბიჯს.
- 3.7. კონკურსზე ვაჭრობის (საჯარო ვაჭრობა) დასაწყისად ითვლება საპროცენტო სარგებლის საწყისი ოდენობის გამოცხადების მომენტი.
- 3.8. ვაჭრობის დროს კონკურსის თითოეულ მონაწილეს უფლება აქვს მოახდინოს განცხადების (ბიჯი) შეთავაზება საპროცენტო სარგებლის თაობაზე, რომელიც არ უნდა იყოს დაწესებულ ბიჯზე ნაკლები.
- 3.9. თუ კონკურსში მონაწილეობს მხოლოდ ერთი მონაწილე, სავალდებულოა მის მიერ საპროცენტო სარგებლის თაობაზე ერთი განცხადების (ბიჯი) შეთავაზება მაინც.
- 3.10. ვაჭრობა დამთავრებულად ითვლება, თუ კომისიის თავმჯდომარემ სამჯერ მოითხოვა საბოლოო განცხადების (ბიჯი) შეთავაზება საპროცენტო სარგებლის თაობაზე და ასეთი ვერ მიიღო.
- 3.11. ვაჭრობაში გამარჯვებულად ავტომატურად ითვლება, ვინც კომისიის თავმჯდომარეს შესთავაზა ბოლო განცხადება საპროცენტო სარგებლის თაობაზე. გამარჯვებულს აცხადებს კომისიის თავმჯდომარე.

3.12. კონკურსს დასრულებულად აცხადებს კომისიის თავმჯდომარე.

3.13. კონკურსის ჩატარებას სავალდებულოა ესწრებოდეს კომისიის წევრთა არანაკლებ ნახევარზე მეტი.

3.14. კომისიის საქმიანობას ხელმძღვანელობს და კონკურსის ჩატარებას საერთო კოორდინაციას უწევს კომისიის თავმჯდომარე, ხოლო მისი არყოფნისას, კომისიის თავმჯდომარის მოადგილე.

3.15. კომისიის მდივანი უზრუნველყოფს კონკურსის შესახებ ინფორმაციის საჯაროობას, კომისიის წევრების ინფორმირებას კონკურსის დროის, თარიღისა და ადგილის შესახებ, საჯარო ვაჭრობის მიმდინარეობის შესახებ ოქმის შედგენას და საჯარო ვაჭრობასთან დაკავშირებული სხვა უფლებამოსილების განხორციელებას.

3.16. საჯარო ვაჭრობის დაწყებამდე კომისია ამოწმებს დაინტერესებული პირის კონკურსის მონაწილედ რეგისტრაციის კანონიერებას, ასევე საჯარო ვაჭრობაზე გამოცხადებული პირის ვინაობას და რწმუნდება, რომ დაინტერესებული პირის კონკურსის მონაწილედ რეგისტრაცია განხორციელდა კანონიერად, ხოლო საჯარო ვაჭრობაში მონაწილეობის მისაღებად გამოცხადებული პირი უფლებამოსილია მონაწილეობა მიიღოს საჯარო ვაჭრობაში როგორც კონკურსის მონაწილემ ან/და კონკურსის მონაწილის წარმომადგენელმა.

3.17. თუ კომისია დაადგენს, რომ დაინტერესებული პირის კონკურსის მონაწილედ რეგისტრაცია განხორციელდა წესის დარღვევით, ასევე საჯარო ვაჭრობაში მონაწილეობის მისაღებად გამოცხადებული პირი არაუფლებამოსილია საჯარო ვაჭრობაში მონაწილეობა მიიღოს, როგორც კონკურსის მონაწილის წარმომადგენელმა, კომისია საჯარო ვაჭრობაში მონაწილეობის მისაღებად გამოცხადებულ პირს უარს ეტყვის საჯარო ვაჭრობაში მონაწილეობაზე.

3.18. საჯარო ვაჭრობის პროცედურა, კომისიის გადაწყვეტილებით შეიძლება წარმართოს დისტანციურად ელექტრონული კომუნიკაციის საშუალებით.

3.19. საჯარო ვაჭრობის შესახებ კომისიის მიერ დგება საჯარო ვაჭრობის მიმდინარეობის შესახებ ოქმი, რომელსაც ამტკიცებს მაუწყებლის დირექტორი.

#### **4. გარიგებათა გაფორმების წესი**

4.1. საჯარო ვაჭრობის შედეგად გამოვლენილ გამარჯვებულთან მხარეთა შორის ფორმდება შესაბამისი ხელშეკრულება, რომელიც წარმოადგენს მხარეთა შორის ურთიერთობის ძირითად დოკუმენტს.

4.2. ხელშეკრულების გაფორმება უნდა განხორციელდეს საჯარო ვაჭრობის მიმდინარეობის შესახებ ოქმის დამტკიცების თაობაზე შესაბამისი აქტის გამოცემიდან არა უგვიანეს 10 (ათი) სამუშაო დღისა, მოქმედი კანონმდებლობით დადგენილი წესით. აღნიშნული ვადის დარღვევის შემთხვევაში კონკურსის შედეგები უქმდება, რომლიც არ საჭიროებს დამატებითი წერილობითი გადაწყვეტილების მიღებას.

4.3. მხარეთა შორის დასადებ ხელშეკრულებაში სავალდებულოა გათვალისწინებული იქნას კონკურსის პირობები, საქართველოს კანონმდებლობით და ხელშეკრულებით ნაკისრი ვალდებულებების შეუსრულებლობისათვის პასუხისმგებლობის ფორმები და სხვა მონაცემები გასაფორმებელი ხელშეკრულების სპეციფიკის გათვალისწინებით.

#### **5. სხვა პირობები**

5.1. კონკურსი გაიმართება 2023 წლის 12 ივნისს 12:00 სთ-ზე. მის: ქ. ბათუმი, მემედ აბაშიძის ქ. №41, მეორე სართული, ხოლო კონკურსის პროცედურის ელექტრონულად წარმართვის შემთხვევაში, შესაბამისი კომუნიკაციის ელექტრონული საშუალებით.

5.2. კონკურსში მონაწილეთა მიერ, კონკურსში მონაწილეობის შესახებ განცხადებები, თანდართულ დოკუმენტაციასთან ერთად უნდა ჩაბარდეს 2023 წლის 23 მაისიდან 2023 წლის 6 ივნისის ჩათვლით მაუწყებლის საქმისწარმოების განყოფილებას (კანცელარიას) მისამართი: მის: ქ. ბათუმი, მემედ აბაშიძის ქ. №41 ან გამოგზავნილ იქნას ელ. მისამართზე [info@ajaratv.ge](mailto:info@ajaratv.ge). ვადის დარღვევით შემოსული განცხადებები კონკურსში მონაწილეობის შესახებ არ განიხილება და დაუბრუნდება პრეტენდენტ ბანკს ან მის წარმომადგენელს.

5.3. საკონკურსო დოკუმენტაციასთან დაკავშირებით საკონტაქტო პირი: ეკატერინე შაინიძე, ტელ:577 16 22 26

( დანართი 1)

სსიპ საზოგადოებრივი მაუწყებლის აჭარის ტელევიზიისა და რადიოს მიმდინარე(სადეპოზიტო) ანგარიშების მომსახურე კომერციული ბანკის შესარჩევ საკონკურსო კომისიას

გ ა ნ ა ც ხ ა დ ი :

(კონკურსში მონაწილეობაზე)

გაცნობებთ, რომ -----  
-----

(ორგანიზაციული ფორმა, ბანკის დასახელება, საიდენტიფიკაციო კოდი)

წარმოდგენილი -----

(სახელი, გვარი, პირადი ნომერი)

გავეცანით სსიპ საზოგადოებრივი მაუწყებლის აჭარის ტელევიზიისა და რადიოს მიმდინარე (სადეპოზიტო) ანგარიშების მომსახურე კომერციული ბანკის შესარჩევი კონკურსის პირობებს. სურვილი გვაქვს მონაწილეობა მივიღოთ აღნიშნულ კონკურსში, რისთვისაც

წარმოგიდგენთ:

- ამონაწერს მეწარმეთა და არასამეწარმეო (არაკომერციული) იურიდიული პირების რეესტრიდან;
- სანოტარო წესით დამოწმებულ მინდობილობას წარმომადგენლობაზე;
- წარმომადგენელი პირის პირადობის დამადასტურებელი დოკუმენტის ასლს.
- ბანკის რეიტინგის დამადასტურებელ ინფორმაციას/დოკუმენტს;
- ინფორმაციას ქ. ბათუმში ბანკის ფილიალების/სერვის ცენტრების შესახებ.

გამოვთქვამთ თანხმობას, ჩვენი გამარჯვების შემთხვევაში სრულად შევასრულოთ საკონკურსო პირობები.

განმცხადებელი:

(თანამდებობა, სახელი, გვარი, ხელმოწერა, თარიღი, ტელეფონი)